

HARVARD COLLEGE LIBRARY  
FROM THE  
HARVARD-YENCHING  
INSTITUTE

JUL 18 1930

2  
3150  
Ch L 3200.7141 83

11

鳳臺縣志卷之二

山川

哈佛大學哈佛燕京  
圖書館珍藏印

圖書印

太行山左丹右沁中為太行在西則析城王屋在東則黃  
華林慮各不連屬百里之內峰因地異萬壑千巖支分派  
衍輻輳錯互盤亘交結導水以別東西循山以標地望輪  
囷包結皆太行也 蔡九峰曰河北諸山根本脊脉皆自  
代北寰武嵐憲諸州乘高而來脊以西之水西流入龍門  
西河之上流脊以東之水東流為桑乾幽冀以入於海其  
西一支為壺口太岳次一支包汾晉之原而南出以為析

城王屋而又西折以爲雷首又次一支乃爲太行又次一支乃爲恒山其間各隔沁潞諸川不相連屬按此則沁水東丹水西爲太行山自沁水縣發脉至吳神山入鳳臺縣界無疑 朱子曰太行自西北發脉來爲天下之脊此是中國大形勢其底柱王屋等山皆是太行山脚 地理今釋曰太行延袤千餘里起於河南懷慶府濟源縣迤而東北跨山西河南直隸界按據此二說縣境之山本太行一山左右廻互形勢自然地脉首尾昭昭可考 金履祥曰河東太行地勢全體皆石土載其上按據此說則境內諸

山皆太行一片石益信諺云石厚土薄語有所自矣

境內山分三支中一支自吾山東西南三分盤結於太行東一支由陵川高平迤連列爲丹水東岸諸山轉爲柳樹口前臨丹水與太行山不連屬北一支由高平游仙山南下峙爲固山東陔至寒狐陘左蒲水右絕水與諸山不連屬

自沁源逕沁水迤連南下又迤東微北曰吾山西北距縣六十五里亦曰梧山相傳爲梧邱子棲隱所山之右陽阿水出焉山之左山澗建旣而下會陽阿鎮海山泉東南流

循浮圖南而東俗因名爲塔河境內之山由此支分

吾山下稍低曰香爐山西北距縣五十里山下爲陽阿鎮

古陽阿縣治此舊志云建興郡治陽阿按水經注陽阿水

北出陽阿川南流逕建興郡今陽阿故城在陽阿水之東

北非南流所逕桃固嶺西有地名建興鄉西臨陽阿水是

建興舊治在彼不在此舊志又別有香山云在縣西北六

十里按其地別無香山似卽香爐山設傳爲一

香爐山左一支山脊由西北而正北平行東行曰紫金山

北距縣五十里

岡阜陔陀再迤東曰石室嶺北距縣四十五里巖刻石佛

十餘磨崖書記剝落模糊彷彿有北魏年號山頂有楚王

廟未詳所自山下老陰泉南流爲浩水入塔河

再迤東曰界牌嶺東北距縣五十五里

舊志曰吾山縣西北接高平界在三家店北三峯疊翠

夕照倍佳今按其地並無峯巒一統志曰吾山在高平

西南四十五里三峯聳翠舊志誤

再東高峯巍峩曰莒山東北距縣五十里廟貌輪奐祀藺

相如廟後爲藺相如墓一統志云藺相如墓終以在直隸

邯鄲西南六里者爲是者老傳藺爲莒山村人非所詳也  
山之後爲焦家河鳳臺與高平分界

莒山再東迤北爲潭嶺頭東北距縣五十里卽全玉嶺傳  
云舍人懷璧由間道歸趙路經此以地理考之或然山前  
有道泉溪由板橋村南流入丹

迤東爲樓兒嶺東北距縣四十里

潭嶺又微北平岡忽起小阜曰疇蛤山東北距縣六十里  
與北城公村對峙山下東西兩岍石壁嗟呀下窄上狹中  
通石罅絕水中行名曰陘口此絕水入鳳臺之界也大甬

時行水與石鬪聲如怒雷濤激雲湧震撼心目巖畔有洞  
鐵暴門扇曰孤兒洞傳爲程嬰藏趙武處非所詳也

北城公村絕水東岸有山曰固山東北距縣六十里連高  
平界山西北土岡迤下爲北城公村絕水南流逕山下再  
折而東逕南城公村又東逕河底村皆循山脚轉河底村  
東水濱高阜有九江神廟陵川蒲水自魯村東寒狐陘入  
鳳臺境西南流逕高平寨上村北折而南曰葫蘆灣至廟  
東與絕水合流南下 固山北岡阜迤東爲東西黃石村  
魯村皆縣境 山上有廉將軍廟祀廉頗塑像奇古非近

今所及傳爲廉頗堅壁拒秦軍地距米山大糧空倉諸山  
二十里許

以上可指名者十山由西至東皆鳳臺北境

香爐山微迤東南岡巒起伏有小嶺曰貴人峰再迤曰無  
量佛殿少折而南至庄頭村西曰小尖山西北距縣二十  
里

小尖山分三支微東轉小阜曰二仙掌西北距縣十五里  
山陰淺沙細草水流津津爲丹水之源水北流有丹源辨  
見水志

二仙掌東橫亘曰司馬山北距縣十里橫山列屏下爲郡  
城有白馬寺舊志曰明建按金李莊靖公詩云千年古廟  
映崇岡寺由來已久舊志失考山前一澗爲遶城東西二  
沙河之源山陽西南有黑龍潭山陰爲小析山有三龍潭  
建成湯廟郡人禱雨於此潭水皆泛溢可疏濬資灌溉按  
小析山與司馬山爲一山別無峯巒可爲標識舊志分列  
未確

司馬山左肩橫岡迤東南行小阜曰張村山東北距縣八  
里

迤東曰七嶺山東距縣十里

二山皆小阜以地少平原藉以表識

山頂循脊東北行曰東可寒山土人稱曰龍王山東北距縣二十五里山下有雙泉在平原距山麓五里一統志云丹水發源於可寒山或指此言其實非也詳見丹源辨

再東橫岡曰興隆山俗呼曰三嶮嶺東距縣三十里

再東曰垂棘山東距縣三十五里相傳垂棘之壁產此間百詩四書釋地云垂棘又見成五年杜但注云晉地按晉地別無以垂棘名者又路史云夏辛履癸是為桀始遷於

垂棘在澤之晉城太行之北時地理考禹自安邑

都晉陽桀從安邑湯升從而在河曲之南桀走三嶮自

安邑入山出太行東南三十里有臨山戰國策桀居天井

即天門也博物志曰縣南地名即垂以今地望考之為古

垂棘無疑

自此以東丹水與絕水交

懸棘岡隴南行至水西村南懸崖中斷與磨山底村對丹

水中流兩壁如削曰龍門峽傳為禹跡東距縣三十五里

再南山脊漸起危峰插漢曰浮山上有伏羲廟北谷有媧

窟中空如囊傳為煉石補天處崔伯易感山賦序太行  
一名皇母一名女媧者也東南距縣三十五里

山脊一支迤北曰磨兒山有媧皇廟丹水逕其下東距縣  
三十五里

浮山脊東南漸低臨丹水秀峰如屏曰石人山俗曰石人  
漏此又一石人山非水經注逕二石人北也東南距縣三  
十五里

再迤南曰峽石山兩岸急束中通石徑由高趨下天光一  
線至別有天路轉峰回建青蓮寺有擲筆臺欵月亭諸勝

為高僧曇始惠遠道場山前乳竇嵌空丈餘修廣倍之一  
泓淵然當暴雨驟發中鑿常如雷鳴寺僧取汲於此東南  
距縣三十五里

以上五山即丹水西岍南距二石人山四十里許亂山  
不可指名詳見水志

二仙掌前一伏一起曰碧落山西北距縣十五里山下碧  
落寺亦名石佛谷唐韓王元嘉子黃國公譔為母妣妃房

氏祈福所建彌勒佛石像後有摩崖碑篆書宋劉義叟不  
盡識後與宋子京同閱始盡曉碑燬於火現存者小篆書



五六字係後人書不傳其名金許安仁有碑記其事寺南岸千松掩映一郡竒觀金李莊靖公題咏之後文人流連競稱名勝俗有謂民人某捨家爲寺者此未考碑碣所誌妄言也

碧落山南嶺俗曰萬松嶺漸低衍南行一門中斷曰崦村山西微北距縣十二里

再斷復起曰五門山正西距縣十里

五門山南行又斷復起曰核桃窰山正西距縣十里

又斷復起曰轆轤井山西微南距縣十二里

又斷復起曰峪口山西微南距縣十五里

山脊由西轉南曰環秀山西南距縣二十五里山下澗水東北流至西峪村南會峪口水東流入白水

以上五山如屏中開爲五門俗皆呼曰山口背負桃園嶺俱有山澗東南流入白水其分合遠近別見水志

環秀山再南微東特起一峰高不可卽曰晉普山西南距縣三十里山頂祀李衛公相傳衛公行軍過此史傳無考有白石仙人像不知其名長身玉立鬚眉如生舊志云晉普山距城西南三十里又玉仙山亦距城西南三十里按

境內別無王仙山一山兩列考據未確山巔南天門俯視  
羣峰脊如平地黃河天外了了可指有九泉羅列山門淙  
淙潺潺冬夏不竭味甘冽異常山半為靈巖寺入石門口  
萬松叅天綠雲如水濤聲謾謾冷沁心骨陰壑積雪盛夏  
不消舊志又別記為萬松山亦誤山陰澗水名火窰河會  
申匠村黃龍洞水北流合西峪水東流入白水山陽東偏  
澗水名大棘河南流逕河底村南又東流逕石門入白水  
小尖山南行山脊隆起曰伊侯山西北距縣二十里有伊  
尹廟傳云伊尹隨湯禱雨至此即古桑林程明道云澤州

北望有桑林此山在澤州之北似之然湯之禱雨實在析  
城山非此山下細流涓涓由西東流白水源於此逕陳家  
溝村南折而南流舊志云白水源出城南一里許名湖泓  
水今考其地全無水源又府志云白水源出城南五龍山  
下五龍池按城南無五龍山五龍池即龍泉潭深數丈不  
能泛溢轉相傳疑殊難考信

伊侯山脊岢岢隆隆盤亘重複西南行曰桃固嶺西距縣  
二十里俗曰寨子嶺由南轉東接環秀山晉普山山陰西  
轉為陽阿水東南諸岡阜山前之水由五門山五處山口

流入白水山後之水入陽阿水

晉普山山脊南行一峰與山對峙遠望若雙馬耳俗曰尖山距晉普十里

再南曰佛頭山西南距縣四十五里高踞諸峰之上前無障礙下臨太行一帶皆在目前舊志曰宋王忠植曰我河東步佛山人也即此按王忠植為石州人今永寧州其地有步佛山以佛頭為步佛附會失據且援此以王忠植為州人更舛見戴震汾州府志

佛頭山脊分二支一南行低行曰追山西南距縣五十五里

再南迤西逕武城頭西南曰朝鳳山一曰白龍頂距縣治西南八十里山陽有白龍洞山北有觀音洞西面懸崖天際一線徑通俗呼曰黃霜漏北人謂崖曰漏語轉訛也由此下看沁水以東趙良馬鞍諸村落并里樹木如黑子碁布矣舊志曰松嶺山縣西南九十里晉普山之對殊未確蓋登高遠望見此山南連一峰松栢陰翳略約言之矣

追山迤南為將軍頭山西南距縣八十五里一統志曰宋紹興間岳忠武為張所部將復新鄉轉戰大捷後使梁興

渡河敗敵於沁水築寨以待飛兵故名下爲土河村

再南迤西爲曲良掌山西南距縣九十里

再迤西爲史家嶺西南距縣九十里過此爲劉家坪衙道

入愁兒溝接河南濟源界

再西爲七盤山西南距縣九十里下臨范家河沁水出山

之口

以上四山舊志不載皆在沁河東岍北岍山道紆複入

跡罕至

環秀山脊一迤西微南逕冶底村北再西爲望城頭山秋

泉村山蘿泉村山再西爲衛家山西南距縣八十里下臨

高會村過此則馬鞍趙良諸村臨沁河

再迤西南爲黃丹坪西南距縣八十里隔沁河爲陽城界

以上四山皆在追山偏西北舊志不載

晉普山脊微低衍岡阜迤東南行曰無量殿嶺南偏西距

縣三十五里山澗有泉南流下入犁川村又村落道傍一

泉涓涓不息四圍石罅冷泉下滴皆冷浪有聲雨後飛流

道不可計此水南行轉西合崖底村水入沁

岡阜東衍曰蔡家嶺南微西距縣四十里

再東爲天井關南距縣四十五里關有孔子廟水經注曰  
邗水又東南逕孔子廟東廟庭有碑魏太和元年孔靈度  
等以舊宇毀落上求修復野王令范衆愛河內太守元眞  
刺史咸陽公高允表聞立碑於廟治中劉明別駕呂次文  
主簿向班虎荀靈龜以宣尼大聖非碑頌所稱宜立記焉  
云仲尼傷道不行欲北從趙鞅聞殺鳴犢遂旋車而反及  
其後也晉人思之於太行嶺南爲之立廟蓋往時回轅處  
也余按諸子書及史籍之文並言仲尼臨河而嘆曰邱之  
不濟命也夫是非太行回轅之言也碑云魯國孔氏官於

陽因居廟下以奉烝嘗斯言是矣蓋孔氏遷山下追思  
聖祖故立廟存饗爾其猶劉累遷魯立堯祠於山矣非謂  
回轅於此也按天井關距野王縣北邗臺六十五里道元  
以千里片石難以指名卽孔子廟以標地望非謂邗水逕  
於廟之下也至石上車轍明州牧鄢陵陳斐辨已析不待  
再及 天井關南山脊之東天井溪水出焉北流一名北  
流泉俗呼曰晉廟河以與晉廟舖逼近也 天井在攔車  
鎮西南道左北去關三十餘里天生智井徑七尺圍二丈  
許其深無底以石投之礚礚有聲詳聽杳不知其所極蔡

鳳臺縣志 卷之二  
邕曰太行山有天井關在并北遂因名焉是也或云在天  
東井宿之北者誤或又云盤谷西北有天井谷亦誤舊志  
云天井谷在縣西南四十五里今亦不詳其地按昔天井  
關當在今橫望鎮憑高臨下勢若建瓴設險守國形勢然  
也今天井關似昔天井谷土人倚險以居去縣亦四十五  
里與志合第未見書乘未敢臆斷矣

天井關北曰南坡頭有黑虎廟關太行要衝南距縣三十  
五里

關南由攔車鎮南行曰黑石嶺南距縣八十里太行絕頂

舊志曰黑嶺下卽開蹬也登其上中原胥在日矣  
由黑石嶺迤西而南曰小口南距縣九十里在碗子城西  
自豫省由西梁別徑入山至星軹驛南一十三里合大道  
通志曰隋大業中上登太行山別開道九十里以達河內  
御史大夫張衡宅悅其林泉留宴三日卽今小口是也一  
統志云羊腸坂在鳳臺縣南天井關之南接陽城縣界者  
史記魏世家如耳見成陵君曰昔者魏伐趙斷羊腸拔闕  
與又蔡澤傳澤謂應侯曰君相秦坐制諸侯決羊腸之險  
塞太行之道正義太行山坂道名南屬懷州北屬澤州舊

志羊腸坂在沁河東岸其石光瑩可鑑按羊腸坂有三一在澤州府鳳臺縣一在太原府陽曲縣一在潞安府壺關縣而戰國時所言羊腸大抵在澤州者近是據一統志在鳳臺接陽城縣界則今之小口爲是若再西愁兒溝則塞之甚易又非兵行之道矣

攔車鎮南行迤東曰橫望隘南距縣六十里太行山頂傳爲狄仁傑望雲思親處下瞰河陽鷄犬桑麻歷歷可數黃河如帶邛山如几丹沁交流微明一線山前有磨盤寨一曰孟良寨接河內縣界迤東南爲漢高城酈生說高祖曰

杜太行之險是也南偏東距縣一百里

橫望鎮迤東南山巒回合爲丹水出山西岍與柳樹隘對水逕其間其可指名之峰詳見水志此太行東南盡境外爲丹水所隔別志

由攔車鎮微西小逕西南行曰月院山南距縣六十里舊志云石壁嵯峨飛泉噴薄下臨天柱峰有潭深不可測鑿詩云溪潭直上孤峰底怪栢蒼蒼老不死藜杖長拖嘯一聲虎豹潛形盡縮耳須臾有客話無生旋煮新茶汲冰水樵歌依約耳邊來詩情只在烟嵐裏山人李題

又一峰曰天柱山一名大月院山有普照寺金建下爲三  
教河太行山中西北一帶澗水俱會於此西流入乾河出  
山由小口前黃沙嶺入河南界此境內未歸丹沁之水以  
無常流故曰乾河非唐李德裕奏請立寨之地  
晉普山東又一支岡阜低衍東南行逕河上村土門又逕  
櫛樹庄嶺又逕白雲阡再東迤南曰北坡頭山下爲河底  
村太行孔道有廟祀魏孝文帝石池深暗中植老樹蟠若  
龍形南距縣三十里

山脊再迤東爲石門河之北岍曰峪台寨山兩岸逼近中  
塞一峰干霄直上石堡巍然竒險也東臨賈迪村石門村  
南微東距縣三十五里

再迤北有峰突起曰香爐山南微東距縣三十里上爲香  
爐寺下爲葦園村舊志云懸岍斷澗中峰突起形如香爐  
故名非陽阿鎮之香爐山

再迤東北轉爲白水西岍曰泉子頭曰亂石峰東南距縣  
二十里下臨金匠諸村峰皆無名與申匠村東青龍洞山  
相接連

以上四地爲河底河之北岍白水河之西岍



五門山山脊中分迤東行曰岡頭山西距縣三里山下有錦溪水北流旁為落花寺有石泉二清澈見底

由岡頭山迤南再東為寶山西距縣五里有寶山寺松柏陰翳亦一勝地下為冶家河

寶山頂山脊南行為吳神山西微南距縣八里廟祀秦伯仲雍

吳神山迤南而東岡嶺平行為白水南岍曰金剛嶺折而南為白水西岍壁立峻石朱太守樟題曰曲水環清為遊人玩白水秋波處東南距縣七里

再南為王莽山亦曰黃莽山東南距縣十里

再南石平如砥下臨深潭曰聖字泓東南距縣十二里

再南東岍曰小崆峒山亦曰洞子岩有琵琶寺為唐宋人

盛遊之地東南距縣十五里

微迤西曰琵琶泓澄灣納溜激射成雷峭壁廻景周流如

畫有天寶五載權澈題詩字尚可辨宋人題石壁曰清風

壁南微東距縣十五里

再南曰小珽山兩峰離立中隔白水西峰有石堡為昔人

避兵之所南微偏東距縣二十里

再南為老公山山多岩洞石磴不能容足洞中有泉東南距縣四十里

再南曰高神頭山有高神廟古碑光可鑑物東南距縣五十里

再南曰大神頭山高峰插天漢俯視天井溪合白水入丹水了了指掌俗名曰石砬河東南距縣六十里

以上三山皆白水西岍其東岍曰馬蹄陀山再南曰岳將軍砦山石磴如線猿猴莫度有石寨南北兩門中通一徑為私販往來必由之徑下為將軍村東南距縣六

十五里即與硤石山南一帶大橫山二橫山三橫山山脊相連為丹水西岍

吾山右旋由山脊西行曰蟠龍山西北距縣五十里山下有源泉寺以寺傍數泉清澈可鑿遊魚往來故名未入寺

二里許有小清涼巨石斧劈小剎避喧四面泉聲離離枯竹有一池魚子游泳一塵不染令人有出塵之想碑誌云

蟠龍山橫亘五十里按其支離旋轉或不止此

曰聖王山西北距縣五十里有成湯廟廟前一池名顯化池晝夜混混瀉下成溪會蟠龍山諸泉東南流至中村南

入陽阿水

再南曰方山西距縣四十里壁立數丈頂平如削背跨陽城界上有北岳廟

再迤南曰司家山西距縣四十里山畔有徑通沁水

再迤南曰姬家山西距縣四十里山嶺松栢遠望離離過山卽沁水縣常店河

以上二山舊志不載每山橫亘十數里許何可畧也

再迤南曰岳神山一曰脫岳山西距縣四十里孤峰特立秀壓天半古松千樹蒼翠扶踈有樂氏二仙祠

岳神山脊中分由西轉而東曰西可寒山西距縣三十五里山坳有乾明寺山嶺重複古樹盤根畢宏韋偃畫亦不到

岳神山脊連下微迤西曰洞陽山西距縣四十二里山坳有興善寺有泉可溉蔬圃

再迤南曰五龍山有水簾洞距洞陽六里許

再迤南轉西曰樊山西距縣四十五里遍山松栢午亭陳文貞公墳墓在焉

舊志列樊山在陽城今考其地山前爲鳳臺界山後爲

陽城界與洞陽山黃沙山同不可缺也

再南迤西曰黃沙山西距縣四十五里山接史山卽陽城界

以上十山俱在陽阿水之西山脊以東水皆東流入陽阿水水之東爲桃固嶺嶺脊以西水皆西流入陽阿水自此以下迤尖水村至九女臺爲陽城界由此入沁河沁河轉而東南行西屬陽城東屬鳳臺以河爲界丹水以東山自陵川王莽嶺俗曰峰頭入鳳臺界東距縣五十里

循山脊南行曰狐兒嶺東微偏南距縣五十里

迤西稍前曰橫嶺東距縣三十五里

再前曰東龍王山東偏南距縣三十里

狐嶺脊南行曰磨山底以對磨齒山得名東南距縣二十五里山陰爲石子坂澗水西南流入丹

迤南轉東曰節山橫亘數十里東南距縣四十里陵川九仙臺水自東北來白洋泉南來會之二水合流至交河村前入丹水

曰倉官腦兒東南距縣四十五里東接陵川九仙臺界

鳳臺縣志 卷之二  
山脊迤北曰松林山俗曰郭家背松栝千株干霄蔽日東南距縣五十五里

九仙臺水南曰天池嶺與節山對巔有山寨石城天然可容千人名爲天池詢之士人山巔實無泉也東南距縣三十七里

山脊西旋兩峰了角曰玕山上建元武廟石磴四百餘級初春游人如蟻晝夜絡繹香火甚盛東南距縣四十里

天池嶺脊左旋東折曰紫金山山下爲白洋泉山腰有蓮花洞洞口西開對筆峰頂一峯秀削梵刹天半東南距縣

五十五里又迤東有黃龍洞東南距縣九十里一山橫亘幾四十里許

山脊南行曰玲瓏山一曰崆峒山有風穴居人以石覆之東南距縣七十里

再南迤東曰蟠龍山山下有淨影寺元遺山先生寶岩紀行詩所謂金門寺也寺居萬山中鳥道屈盤人跡罕至東南距縣九十里

微迤西曰馬牢山俗訛曰馬郎山亦曰馬頭山東南距縣八十五里下屬修武上屬鳳臺通陵川瘦驢嶺路梁遣李

謹攻李罕之於澤州晉遣李存孝以騎兵五千救之梁驍將鄧季筠出戰存孝舞稍擒之李謹敗走追繫至馬牢川還攻潞州按由陵入潞路甚便當在此地舊志曰在縣南二十里似誤

山脊西行曰鐵櫪山山西徑為柳樹口口北石棧為十八盤上下為前潦坡後潦坡路通河內縣清化鎮東南距縣八十里

再迤西南行曰二石人山各在一山角倚相望丹水逕其下一名聖人崖東南距縣八十八里

丹水出鳳臺縣西北二仙掌山

丹水俗曰小丹河源出縣西北十五里二仙掌之陰山本小阜不甚高淺沙細草津津水出至白楊坪東漸成小谿北流元和志曰丹水在晉城縣北十三里司馬山此山與司馬相連故云西為石佛谷俗呼佛堂溝古柏數株崖刻石佛像小堂覆之摩崖書金大定四年李某重建或曰卽堯谷逕山耳東村折而東流又逕清震觀廟南觀有平頂松疎古離奇蓋千百年物階前立天寶元年石幢前為孔子廟乃宋程明道先生命晉城所設

鄉校史稱程子設鄉校七十餘所親爲兒童正句讀此其一矣又東逕巴公原南周世宗與北漢劉旻戰陣處也塔河水自西北來會之

塔河源出陽阿故城西北香爐山之左會山下海山泉東南流逕浩村南老陰泉水流爲浩河東北來會之又東南逕宿鳳臺在李村邑東北四十里許志稱晉武帝太始元年有鳳集於高都縣之北卽此地今以名縣折而南流至塔河舖高平溝頭村水自東北來會之二水合至巴公原東南入丹

丹水又東南雙泉水西南來會之雙泉在可寒山下東五里許水經注曰丹水出上黨高都故城東北阜下俗謂之源源水山海經曰沁水之東有林焉名曰丹林丹水出焉卽斯水矣丹水自源東北流又屈而東注左會絕水地理志曰高都縣有莞谷丹水所出東南流入絕水是也今按一統志曰丹水在鳳臺縣東一名莞谷水一名源澤水一名源源水一名源漳水俗名丹河發源縣東北可寒山西流合泣水與水經合西字誤也並指此泉爲言是未考丹水別有源矣舊志云丹水源出丹

朱嶺高平縣北四十五里與水經注舛至上黨記曰長平城在郡南山中丹水出長平北山南流秦坑趙衆流血丹川由是俗名爲丹水酈注已辨曰斯爲不經矣鄭世子朱載堉樂律全書曰丹林■丹嶺加以朱字是俗人附會堯封長子之說此意爲揣摩殊無考據且酈注明云出高都故城東北若以丹朱嶺當之是在泫氏故城東北非高都矣誤明甚泉一爲土人所塞一清泉泓然蒲青草綠下出成渠東北流兩岸稻田畦分蔬圃枰列浣衣樹陰水碓烟際有江鄉風味可寒山東澗水經

石橋下南來會之至水磨村南合入丹

又東南堰頭水北來會之水出莒山之陽南流逕堰頭東又東南入丹

又東逕垂棘山北次東逕高都故城南又東絕水自北來會之按一統志云水經注有高都故城是後魏高都非卽漢縣治唐於古高都城置晉城縣實後魏高都非漢高都蓋後魏高都屬建興郡治今郡城地永安中於縣置高都郡兼置建州後罷州北齊仍爲高都郡後周爲長平郡治隋開皇初郡廢爲澤州治十八年改爲丹



川縣大業初爲長平郡治元和志高都縣改爲丹川縣  
因縣東丹水爲名皆指郡城言舊唐書地理志武德元  
年移丹川縣於源澤水北今高都村故城仍在源澤水  
北是也三年於古高都城置晉城縣爲今縣治九年省  
丹川縣入之高都城爲唐初所移丹川縣文義明甚  
絕水源出高平縣西北三十里傘蓋山至縣東北北城  
公村西陘口始入縣境水經注絕水左會長平水東南  
與泫水會亂流東南入高都縣右入丹水按水經在高  
平縣境有絕水有泫水有長平水無丹水至高都縣始

右入丹水是丹水源在邑境明甚自寰宇記云泫水一  
名丹水而其稱始混今絕水泫水丹水三水統名丹水  
而源流不別矣絕水自陘口南流逕南城公村南折而  
東流又東逕河底村南至九江口片石巍然上建高臺  
爲九江神廟像列九女風鬟霧鬢不知何神也廟據溪  
山之勝入夏波濤環湧大石隨流而下砰訇澎湃聲震  
岩谷蒲水自東北來至臺下與絕水合

蒲水源出陵川縣西北二十里聖宮山至縣東北魯村  
東寒孤陘入縣境陘兩岸土山中爲石陂水鑽石窟漚

為深泓溢流直下西南流逕高平寨上村北與魯村對折而南流逕葫蘆灣至九江口入絕水二水合南流逕尹寨東又南逕嶺上村西又南逕高都故城東右入丹水三水為一矣

丹水又南逕水西村東沙河西來注之沙河源出可寒

山南澗會小析山流泉逕中上村東又南逕漢關侯祠

東有平橋

俗呼曰沙河廟

又逕南逕劉家川西司馬山東澗水

逕七嶺店村東橋下由司徒村南逕逕西來注之司徒

村唐太常卿司徒映故里今孫子皆為司徒姓散處水東

西村二水迤東北流逕崔莊村金李莊靖先生墓南墓

犁為田松栢摧薪土人指其處云豐碑龜趺人皆埋土

中矣

又東北逕府城村南又東至水西村東入丹

丹水又南逕龍門峽兩壁峭削形若門焉世謂之禹鑿

也壁下嵌空玲瓏如竹中虛水行轂轉有聲東岸建魏

孝文帝祠有宋景德年碑記云是歲天書降次年改為

大中祥符元年也孝文像冕旒章服旁塑龍神五非考

碑碣他年恐有杜拾姨伍髭鬚之訛矣又南十字坂水

左入焉水出狐兒嶺逕磨山底村東入丹

又南逕浮山西折而北流逶浮山磨齒山脚轉而南行

至浮山東南隅交河口村西陵川九仙臺下文河水自

東北入焉丈河水出陵川堯莊山逕九仙臺會濯纓泉

入鳳臺界百洋泉水北流注之泉在柳樹隘之陰兩岸

高峰障天蔽日石罅清泉四壁飛洒雨後噴珠跳玉冷

浪可聽或地中石裂一泉靜深或山蹊淺沙上湧如珠

斯有百洋泉之名矣或曰白羊泉非所詳也山有長連

城舊志云魏孝文帝入洛陽經此二水合東南流至文

河口注於丹交河俗呼爲焦河而焦姓者競居此名焦

家河亦可笑也

又南逕石人山下俗曰石人漏山與浮山接陂陀低衍

形如人立河流其下距水經注二石人山尙四十里許

非一山也

又南逕峽石珽山兩山間峽石山徑曲折由高而下數

步一轉巨石崒岌左右騰攬綠草蒙茸冬夏不變五里

至別有天見青蓮寺梵宇瑤宮如桃源隔世矣與珽山

遙對丹水逕其中過此高岸接天獸迹不交峽束水急

一瀉千里矣

又南五龍溪西入焉溪出郭壁村山中南北兩山中湧石臺天然寨堡人列女牆於上置重門焉泉二一在堡北一在堡南巨如車輪遠臺分瀉明王疎菴家宰題山南石壁曰空谷傳聲又次南爲水簾洞石崖高出洞口湧泉自崖而下飛散如霧懸流注壑千有餘丈舊志又云溫泉二一在郭壁山中

又東南逕龍潭峽五股泉流風湧雲興陟落高崖下漚爲潭後周高僧惠遠說法之地遠公居青蓮寺注涅槃

經與廬山開白蓮社別爲一慧遠矣

又東南逕壘石山遶山疊壤土人激行水碓東西兩岸草屋映帶渠溝廻環俗呼曰磨河

又東南合三股泉泉平地湧出噴洒數尺玉壺玲瓏飛雪濺雨視歷下趵突泉迨過之矣下爲落絲潭深不可測

又東南逕大橫二橫三橫山折逕鋸齒山而東過李道寨趨鳳凰山又南逕二石人北水經注曰各在一山角倚相望南爲河內北曰上黨二郡以之分境今俗名兩

望谷以石人兩相望也訛望為王又轉為吳土音誤也  
又東南為南崖溫水經注曰丹水又東南歷西巖下有  
大泉湧發洪流巨輪淵深不測蘋藻芟芹竟川含綠雖  
嚴辰肅月無變暄萋

又東南至南山壑口出山逕楊家莊白水西來注之水  
經注曰丹水又東南流注於丹谷卽劉越石扶風歌所  
謂丹水者也晉書地道記曰縣有太行關丹谿為關之  
東谷途自此去不復由關矣舊志曰青蓮寺東五里藏  
陰寺東卽丹谷按魏書莊帝紀永安三年余朱世隆攻

河橋南進京邑詔大都督源子恭出西道討之仍鎮太  
行丹谷余朱兆寇丹谷源子恭奔退北史余朱彥伯傳  
帝醮彥伯於顯揚殿時侍中源子恭黃門郎竇瑗竝侍  
坐彥伯曰源侍中比為都督與臣相持於河內河防志  
曰丹河自高平縣來至河內丹谷口有大丹河小丹河  
此猶據俗稱絕經石斗門分流傳澤洪行水金鑑曰丹  
水為大丹河河穿太行山至河內縣自河內丹谷口起至劉村計長  
五里今循水而行兩岸壁立鳥道纔通石崖陡落動數  
十丈軍行之道非此明矣自白水交丹水循河而上山

峽連雲徑長無水平坂間道由峪底村北逕洞子巖直達郡城西逕石門口直至關北不復由橫望隘天井關之險証以余朱彥伯相持河內之言河防志行水金鑑河內丹谷口之名是丹谷在太行之陽與河內近當以交丹口爲是或疑水經注列此條於二石人之上似舊志云在青蓮寺東爲近不知水經注東南流注於丹谷似原始要終之言舊志漫無考據且又以九江口爲丹谷此不明未入高都縣無丹水之稱而左入右入之文幾不能辨其誤可以類推矣

白水出鳳臺縣西北伊侯山

白水源出縣西北二十里伊侯山下細流一線晝夜不舍水經注曰白水出高都縣故城西所謂長平白水也東流逕二仙掌南折而南流逕夏匠村東碧落寺前澗水注焉又次南逕紅葉頭東崖水琮琤下滴深滋雨後泛溢建僂注壑合流南下迤東南流俗呼曰桑皮河兩岸村人造紙爲生用漚桑苧以此得名又逕道頭村東入城西沁陽橋下左入西沙河東北自司馬山來逕黑龍潭北又逕書院村南注焉右入掩村山口水水出桃

固嶺下東出掩村山口逕呂匠村南折而逕王公祠南  
王公名孕長北直興橋人明澤州牧弱冠蒞此禦寇有  
功曾作愛錢說民到今稱之俗所謂小王公祖也入小  
石橋下東流注焉

又南五門山水自崗頭村東核桃窰山水自崗頭  
村南二水合東南行二水俱出桃固嶺次南錦溪水北  
流注之又次南會小山泉一山拳如泉出石罅間清冷  
淵深土人引流種樹翼以亭榭回廊曲水流觴爲春夏  
勝游之地今廢迤東南逕五龍祠北俗名老龍灣四水

合入白水五龍祠有古龍潭石碑篆龍泉字甚奇古潭  
深數丈水不外溢邑人禱雨之處或謂白水源出五龍  
山五龍池又曰源出湖浚水在城南一里許此爲不經  
矣

又南折而東流入晉南第一橋下橋建留勝院危閣臨  
水朱欄掩映又東折而南流左入東沙河北自司馬山  
逕黃龍洞崖東者也俗曰小東河

又南逕鍾家莊東大石離立水濱立秋之日土人於此  
玩秋波陋俗也石壁題曰曲水環清又南花園頭澗水

東北來注之水出司馬山東澗逕常澗橋下俗曰三里橋又逕謝匠村橋下至花園頭又逕上輦下輦入焉

又南繞文筆峰浮屠西明末因形家言建高二十餘丈聳出雲表南爲回軍谷宋石守信討李筠於此回軍俗訛爲回

又南逕九里谷西李莊靖俊民詩連峰忽斷開山門是也今爲山門村

又南冶家河右入焉水出寶山吳神山之間東流洞靈泉水南來注之泉出巖洞中泓然不竭山僧引以泛觴

一曰流盃泉訛盃爲碑謬矣水東行又名華家河逕金剛嶺南又東逕寺底村會白水

白水又南至缸河村卽乾河轉音也在城南微東十五里白水覆流之地通鑑唐會昌四年閏七月昭義將高文端降李德裕訪文端破賊之策文端曰官軍今直攻潞州澤州兵約萬五千人賊常分兵大半潛伏山谷伺官軍攻城疲弊則四集救之官軍必失利請令陳許軍過乾河立寨自寨城連延爲夾城環遶澤州是也轆轤井山口諸水西來注之



輓轡水源在桃固嶺東出輓轡井山口東流折而南逕  
郎莊東次南逕南村東又南峪口山水西來注焉水源  
在桃固嶺出峪口南流合輓轡井山水次南西峪水南  
來會之水出環秀山北流至西峪村南合峪口衆水東  
流又東逕黃沙嶺南火窰河南來注之源出晉普山東  
東北流逕申匠村中斬龍臺白龍洞水北流入焉山形  
鑿斷有斧鑿痕俗以名山二水合逕浪井村東北流入  
西峪水五水合又東五里許入乾河

乾河又微南逕武匠村西懸崖陡斷飛流下注滙爲聖  
字泐唐人石壁詩序云水中聖字了了可見泐深無底  
有時而涸沙積爲阜土人於阜上穿竅汲水如井狀夏  
雨暴漲沙阜不知何去又淵然無底矣

又南逕洞子岩岩有琵琶寺晉天福年立石幢刻尊勝  
經咒又有金大安詩碑破寺殘碣烟荒草蔓巖上松柏  
青蒼遠望諸山環繞如屏

又南逕清風壁水入石罅下注一泐爲琵琶泐石壁天  
寶五年權澈七言歌行一首字體完好權澈在唐詩名  
不甚著深山僻壤留此遺踪不朽之名數存其間矣

又南逕小珏山兩山對立水流其間右山有堡雉堞尚  
在

又南逕馬砦村東石門澗水西來注之水出晉晉山前  
一由楸木窰南東流一由河上村南折而南流合行至  
大棘村南俗呼大棘河峽束巖仄兩石相交爲天然橋  
九折至河底村東流逕北坡頭南坡頭兩山間東偏北  
三里許爲白石先生洞洞中白石下垂如柱如筍有天  
井淵然而深窈黑無底旋折而上又一洞石床石几天  
然位置若隱者若焉舊志云在玉仙山余親履其地無

玉仙山也又東兩岸偪峙一峰一折一折一境紆曲廻  
複壁多巖洞人跡難至次東爲西石門崖垂欲合天然  
一門水道漸狹亂石參差當門一峰峭立名峪臺寨有  
石城女牆屹然一夫守險千人盡廢矣繞寨南行數里  
南岸爲三仙洞在半巖際神堂數間丹碧掩映石洞水  
清見底抱之不竭再東逕賈迪村南次東爲東石門山  
尾坡坳中寬二丈許亦奇險也再東入白水  
白水又南逕乾絲村次南爲峪底村亦名河西以在白  
水西岍也次南逕老公山下山祀高禰徑路偪仄不

而土趾垂空際由南坡頭山脊東行至此突起成峰老  
公之名莫可稽矣

又南逕高神山東天井關山脊迤東行忽起峰巒魏義

冀比下爲壺壁

俗呼曰壺瓶街

晉書晉太元十九年後燕慕容

垂遣張崇攻慕容永弟武鄉公友於晉陽永遣其尙書

令刁雲率衆五萬屯潞州垂停鄴月餘不進永攝諸軍

還於太行軹關垂進師入自天井關攻永從子征東將

軍小豆逸歸鎮東將軍王次多等於壺壁是也天井溪

自西南來注焉俗呼曰晉廟河按天井溪源出天井關

南山脊東澗中東北流因關爲名非天井水泛出也水

經注曰白水又東天井谿水會焉水出天井關北流注

白水世謂之北流泉是也

又南逕大神山東攔車鎮山脊迤東行峙爲高峰水逕

其趾俗呼曰石砭河自此迤東南二十里許至史君嶺

口出山逕楊家莊白水交丹水矣

二水交叉東南出山水經注曰白水交丹水又東南出

山逕鄴城西城在山際俗謂之期城非也自此出縣境

爲河南河內界

陽阿水出縣西北吳神山

一名吾山

陽阿水出縣西北六十五里吳神山之右南流在吳山香爐山兩山之間陽阿縣故城在其左漢置陽阿縣屬上黨郡高祖七年封陽阿齊侯其石為侯國晉罷太元中慕容永復置兼置建興郡後魏真君九年省和平五年復置永安中郡廢北齊省入高都索隱曰陽河即陽阿以字跡相類而譌水經注曰陽阿水出陽阿川南流逕建興郡西魏土地記建興郡治陽阿縣今按陽阿故城在陽阿水北微東香爐山阻之水不逕其地土地記

又南會挖擦溝水水出香爐山貴人峯之陰西南流逕河東村注之

又南源泉寺水西北來注之水出聖王山成湯廟顯化池池有二元至正間重修廟貌工徒渴飲池水水暴湧作雷鳴衆因建亭名曰顯化泉一堙一通下出為礪迤左流至源泉寺前會衆泉又會小清涼山阜泉東南流與陽阿川隔一陂陀逕中村南入焉中村元初段長官直故里史曰至元十二年河北河東山東兵亂直倡義

團聚保境後論功行賞授本州長官迎李俊民以為之  
師士之通經與選者百三十二人

又南柳樹底澗水西來注之枯柳一株搖曳道周傍崖  
人家屋瓦鱗次地以樹名矣

又南關家山水西來至史村寨下入焉

又南史村河東來至村南入焉

又南段都村澗水西來至村南注焉

又南賈泉水自伊侯山陰東來注之至小河底村北入  
焉姬家山水西來注之至小河底村南入焉

又南馬村溝水東來至徐庄市北注之

徐庄村在高阜  
市在水傍

又南徐庄水東來至市南注之

又南可寒山澗水西來至辛壁村北注之

又南紇干溝澗水東來至辛壁村南注之

又南逕建興故城西地名建興鄉背負桃固嶺下臨陽

阿川東南為寨子嶺武斬關故地當即此一統志曰武

斬關在鳳臺縣西北魏書地形志曰陽阿縣有武斬關

是也魏土地記曰建興治陽阿舊志曰建興治高都故

城按水經注曰陽阿水南流逕建興郡西水南流不逕

陽阿去高都故城七十里許不得逕其西矣桃固嶺之  
陰澗水逕建興鄉至交河村北入陽阿水與高陽水  
又南馬坪頭下陸水西來注之水出洞陽山陳文貞午  
亭詩我家太行盡處村蛟龍欲落留爪痕是也至川底  
村入焉  
又南周村長橋下水西來至村南注之  
又南尖水東來注之又南迤西南流入陽城縣界水經  
注曰又東南逕午壁亭東而南入山在陽城境矣逕章  
訓村東至九女臺入沁水

陽阿川兩岸諸澗源不甚遠噪嶻揚波交積隍澗勢同  
雷轉暖若霧合水經注曰其水沿波漱石澗澗八丈環  
濤轂轉西南流入於沁水工於形似矣水無多曲折故  
卽東西別之其上下先後如列眉也

沁水出沁源縣穀遠山

沁水自岳陽縣來至大匠村入沁水縣境下至屯城入  
陽城縣境至九女臺下合陽阿川水東南流逕黃坦坪  
入邑界西爲陽城東爲鳳臺又折而東至公娥澗南岸  
爲濟源界北岸爲鳳臺界自此入山兩岸連雲水由中

行陳文貞廷敬老姥掌游記云由樊山則枝分條披狀  
形奇詭嶮嶢而爲峰窈窕而爲壑崎嶇而爲峭峻嶒而  
爲巒巖巖而爲巘巘巘而爲巒嶺嶺而爲岫巒巒而爲  
巖其中長川夾岸若斷若連如海波歛而島嶼出如江  
潮平而洲渚生村居靜深關扃與閔陟樊山之巔皆見  
焉是也州志曰沁水至公娥澗出山口卽枋口當因見  
其入山爲濟源界卽揣其自此出口道里不遠今按沁  
水自入縣境至枋口凡一百五十二里許州志誤  
又東南行自馬鞍村逕黃連灘至杜家河東約二十二

里許治底河水自北來左入焉治底河源出晉普山之  
西西流逕治底村南又逕代嶽廟南廟有柏根泉孤柏  
下岐形如人字山泉出焉滙爲方池大畝許下窺黝黑  
巨鱗撥刺大者或四五尺許山中所寡有也又西環秀  
山前常村水北來注之合而西南流馮家溝水東注焉  
源出佛頭山西流入治底河逕柏山下兩岸皆細柏俗  
以爲名又南逕小山中流特立栝柏陰蔚兀若金焦水  
周其趾山腰石窓洞啟天光射入上建元武廟又西南  
逕武城頭山下南入沁水又逕東南行逕圪腦兒自杜

鳳臺縣志 卷之二  
家河至此約三十五里許又逕葉村東犁川河水自北來左入焉犁川河發源晉普山之前衆泉怒發會爲一溪南流逕追山西入沁水經注曰沁水又東倍澗水注之水出五行之山南流注於沁水是也又迤東北折逕朝鳳山西山半細徑懸出絕壁下臨河流亂石怒爭地名看河腰俗呼插飛路又東南逕黃霜漏下奇形險狀思攫神驚怪禽啼澗瘦猿掛樹不類人間世也又東落磨兒灘南逕漏道底村自圪腦兒至此約五十五里許水經注曰沁水又南五十餘里沿流上下步徑纔通小

竹細旬被於山渚蒙龍茂密苛爲翳蒼也又迤南東行逕黑雨河村土河水入焉水源出將軍頭山下南流逕土河村南西折入沁又北折逕曹家河村自漏道底至此約十一里許又南逕七盤山西又逕范家河村由枋口出山入濟源界自曹家河至此約二十五里許按沁水出山逕石門世謂之沁口又西爲五龍口明季濟源令鑿山通河以興水利是出山有二道矣  
論曰鳳臺巨浸左丹右沁縣東境白水會於丹縣西境陽阿水會於沁水有四經流實止二也諸澗會注多無



一泉源山中夜雨溝澮皆盈漂沫流查聲震巖谷甚至傷禾害稼又甚而毀廬舍沒莊村父老類能言之議者以有水害無水利咎爲人謀之不臧是固然已余經按其地溪水多伏流泉源併少疏濬丹沁二水入南山始盛又高峯摩天水不可上限於地非棄於人也無已近水村落仿閩粵灘田之法以亂石壅水挽之使高度可少滋灌溉泉源壅塞濬之使通用以藝圃種樹管子曰因其利而行之可也因而挽之可也小民徃於苟安難於圖始烈日炎天荷鋤隴畝草笠赤脚揮汗如雨多旱委之於天歛入委之於地終歲以草根木葉雜麥稗而食安之如命其艱辛視蓄水澆田爲何如也生斯土者其留意焉

臺縣志卷之三

城池附郭

唐貞觀初築明洪武間千戶吳材修十四年張規甄堯宏  
 治正德間知州吳必顯趙錦相繼修葺周九里三十步  
 高三丈五尺池深二丈東西南三門隆慶四年知州顧  
 顯仁增築敵臺二十三創敵樓二十三北城樓一座重  
 修角樓四東西南城樓各二上列女牆覆砌甄孟雷記  
 萬歷三十三年知州賀盛瑞重修崇正十二年知州張  
 天維復修

國朝康熙間知州景文魁修乙亥地震樓堞圯毀四十四  
年知州陶自悅重修補築城上女牆五十八年知州佟  
國瓏倡捐加修正樓七角樓四奎樓一敵樓二十三月  
城三百馬道三條女牆欄馬周城九里三十步并疏濬  
城壕甃城中石街東西三百丈南北三百丈里人王廷  
揚記乾隆十六年詳定章程統歸民戶修補乾隆二十  
三年各里承修分認工段刊石爲記

公署

府署在城中正北卽州舊署所元至正五年建明洪武二

年知州李祥重建成化中知州陳奎重修商文毅輅有  
記嘉靖中知州張文質陸偉崔哲王揚朱舜民賀盛瑞  
相繼修葺

國朝康熙間知州王國輔重修大堂知州張維垣重修東  
西六房知州倫可大重修講樓雍正六年升州爲府改  
府署十三年知府朱樟重修講樓

府同知署在攔車鎮雍正六年設今移治陽城東治鎮

經歷司署 卽吏目  
舊署

提學試院在府治東 舊按察分司行署萬歷三十二年  
知州賀盛瑞朔東西號舍吳澄時

拓修雍正十年知府許日熾重修

察院在府治西今廢

布政分司在察院西今廢

庫大堂西

獄儀門外西南今裁

土地祠儀門外東

寅賓館大門東

譙樓

縣署在中和坊雍正七年設十年知府許日熾建

典史署在縣治大門西雍正七年設十年知府許日熾

建雍正十一年澤州改州設府州署改為新府署吏目

署改為經歷署建鳳臺縣並典史各署據合邑紳衿趙

璇劉世振等公呈情愿另建縣署請將應折修知州祠

改建

關帝廟原估銀兩無庸請領由府詳請咨部經吏部會同

覆准

關帝廟及縣署并典史署邑紳士捐修銀四千八百四十

六兩六錢姓名銀數勒石廟殿旁

攔車鎮巡檢司

距城六十里兼管星輅驛即同知舊署改設

橫望鎮巡檢司在城南今廢

柳樹店巡檢司在城東南今廢

都司僉書署在懷仁坊雍正六年建守備署十年改今署

千總署即太行驛舊署在城內東北

把總署在欄車鎮

營房二所一在火神廟前一在細柳巷內

演武場在南門外東偏黃華廟

普濟堂城西郭雍正二年知州劉毓函建知府許日熾知縣羅著藻改修

育嬰堂城西郭雍正二年知州劉毓函建

留養局城南郭護國寺

舊養濟院城西城南

漏澤園城南

倉廩

常平倉在中和坊乾隆三十一年改陳因廣豐二倉歸縣原額穀一萬六千石

社倉舊二十所今共一十二處

本城存貯穀七千九百三十八石六斗二升八合二勺

高都鎮存貯穀二千六十八石二斗一升

堰頭鎮存貯穀九百六十六石二斗四升

三家店存貯穀六百四十六石三斗五升

西郛村存貯穀

七百八十五石  
六斗五升三合

東大陽存貯穀

一千五百七十  
二石二斗八升

西大陽存貯穀

一千四百七十  
石五斗二合

葦町鎮存貯穀

一千三百五十  
石四斗八合

周村鎮存貯穀

一千三百五十  
六斗三升二合

犁川鎮存貯穀

三百二十二  
石八斗六升

河底鎮存貯穀

三千五百六十  
八石三斗三升

天井關存貯穀

六十六石六  
斗五合六勺

義倉共九處

本城存貯穀

九百六十四石一  
斗四升八合五勺

七嶺店存貯穀

二百七十六石  
三斗三升三合

泊裡村存貯穀

五百二十六石  
七斗四升三合

巴公村存貯穀

三百八十七石  
八斗二升五合

四義村存貯穀

六百八十五石  
三斗四升八合

辛壁村存貯穀

二百六十七石  
六斗七升

道頭村存貯穀

二百八十八石  
二斗九升五合

北大社存貯穀

九十六石八  
斗六升三合

大箕村存貯穀

二百三十二石  
三斗四升五合

學校

學宮在郡治東南宋至和間知州吳申自城西南隅徙建今地金貞祐間知州高少中重修元州牧段直增葺李俊民記大德間州牧殷直重修明洪武時知州李祥王堅相繼重修正德間知州馬汝驥拓制新之張鵬記萬歷時知州朱舜民韓容蕭籍加修

國朝順治間知州孫丕承傅繼說康熙間知州官于宣佟國瓏繼修雍正六年知府劉毓岳修葺明倫堂西齋房及東攔牆六十三丈乾隆四十二年鳳臺縣知縣錢汝霖重修有記

霖重修有記

先師殿府縣同

東西廡

崇聖祠在正殿東

名宦祠戟門東

鄉賢祠戟門西

忠義孝弟祠鄉賢祠下雍正十年知府許日熾建

節孝祠舊在懷仁坊大街雍正十年知府許日熾移西門內

文昌祠樞星門東

戟門 東金聲 泮池 戟門外 櫺星門 聖域坊門 賢關坊

門 西 五魁樓 城上東南明知 太和元氣壁 明倫堂

正殿 東西齋房 各九 神厨堂 神庫堂 敬一亭

明倫堂後 尊經閣 東西書舍 各十五 射圃 尊經閣東 周

道 西廡 更衣亭 櫺星門內 省牲所 文昌祠後 按從祀各姓

氏及祭器樂舞見於會典學冊各縣所同茲不具載其名宦等祠已載於傳亦不必複列其名

府教授宅 周道西

縣教諭宅 周道西

訓導宅 會經閣西

天井關文廟東漢建寧二年十九世孫孔昱為洛陽令

思夫子有臨河之歎為之立廟於太行天井關至北魏

太和元年夫子二十八代孫孔靈度請修復唐三十八

代孫孔戡憲宗授衛尉分司洛陽遂遷居山右卜築天

井關夫子廟側以奉丞嘗有唐駕部郎中程浩所撰詩

刻元至元九年州守皇甫瑛重修元貞元年郡侯劉仲

元議居民以實市矧客舍以屬廟大德中晉城令李從

仕踵成焉店以實用市以供役嗣令王祐繪像權屋息



九十緡充祀事令裴從善徵得中統鈔一百五十緡命王壁等王之明永樂七年星輅大使羅榮重修萬歷間生員任敦化捐地四十畝

國朝康熙二十四年裔孫孔衍珍清出捐地三十二畝生員孔興銑經營供用五十三年衍聖公咨委昆山書院學錄孔興鑑于壬之春秋上丁日遣訓導官一員往奠

五門文廟

巴公原文廟

高都鎮文廟

大陽鎮文廟

二東西  
各一

周村鎮文廟

七嶺店文廟

四義村文廟

來村文廟

李村文廟

三家店文廟

傳為孔子廣設鄉校所在宗奉先師理或然也

社學宋程子令晉城於城北建社學一區親為民子弟

一正句讀今尚名書院村

一體仁書院府設在府治北明萬歷間知州王所用建捐地二十四畝崇正間巡鹽御史楊鶚檄捐田三十三畝崇祀周二程張邵二呂

國朝康熙間知州倫可大拓修陳文正建敬記乾隆二十一年間五縣公捐銀四千二百六十兩係各縣自行交商生息與每年帮捐銀共八百四十兩七錢二分以備脩脯膏火工食等項乾隆四十八年知府姚學瑛於書院東偏置買廢宅添建堂五楹厨房一所

懷仁書院

縣設在縣治東北關帝廟東乾隆四十七年知縣林荔捐俸設脩脯膏火

儒學入學原額府學十五名縣學二十名按會典載府學入學皆二

十名茲獨十五名尚俟將來查辦

學田元長官段直置計十一頃九十畝李俊民記暨明祇存廟東南地三十六畝七分張三畏記隆慶間知州顧顯仁置學田四十八畝四分鄉官石延壽捐地五畝知州范之齊記原額二百二十一畝今祇存下地九十畝坐落無比寺北每年有册報銷

壇壝

先農壇

在城東關雍正十年知府許日熾建正殿三楹東西房各三楹耳房各一楹

社稷壇

城西里許

風雲雷雨山川壇

城南三里許

厲壇

城東三里許

形勝

夏王之國左天門之險右天谿之陽盧畢在其北伊洛

出其南有此險也

吳起對魏武侯

秦攻南陽則韓之太行道絕北斬太行則上黨之兵不

下國策

固塞險阻之地

說苑

河東藩蔽

唐書

全居山內土瘠地狹

唐杜牧之潞澤用兵書

肘京洛而履蒲津倚太原而跨河朔

又賀平澤潞頌

腹中之眼

田悅

南倚太行王屋西連底柱析城羣峰周圍險絕千里

唐秦

議

土正樞星下開冀方

崔公度感山賦

孟德北上紀推輪之恐謝公西顧引憂生之端

又

天門揭其部分為嶺支其蹂躪又

太行在境全有太行之險固通考

一夫守險千里莫當元李維馨太行計畧

以太行為藩蔽踞天黨之上游左丹右沁襟帶河山又

背控燕雲襟帶河朔通志

全有太行之險要實為東洛之藩垣又

唐為雄鎮山川環抱有自然之險固舊州志

山高澗深道路嶮仄又

晉豫兩省門戶犬牙相錯全恃太行天險府志

連亘數州為河北春河北諸州背旅其趾秋葉

關隘

天井關城南四十五里太行絕頂地理志曰上黨高都有

天井關即天門也路史曰履癸始遷於上黨之垂羅萃

注所謂天門在澤之晉城太行之上有天門通典云晉

城有天井關在縣南太行山上關前有天井泉三所按

井關南有無水管井深不可測關北天井溪北流合白

水名北流泉亦井井通典關前天井三泉之說非所詳也宋靖康

年改雄定關  
星軺驛城南六十里距關南十五里 即攔車鎮又名狼

車金志晉城鎮一周村巴公舊又置星輅鎮曰攔車以  
北十五里有孔子回車廟 雍正五年設把總一員今  
設巡檢司兼管驛丞

橫望隘城南八十里太行絕頂謂之大口即狄梁公望雲  
處因名南距碗子城十里明洪武二年置巡檢司今廢  
元末潞州李維馨為察罕帖木耳畫策以千人分守碗  
子城大口吾兒峪諸險隘曹濮盜數十萬皆不能過保  
有全晉明初晉豫分境碗子城隸河南橫望鎮隸澤州  
而小口亦半隸河內唐李德裕割澤州隸河陽金必蘭

阿魯帶以為太行中隔鞭長莫及仍改隸昭義軍

按今碗子

城即為澤州界南下四十里為清化鎮

盤石長城縣南八十里南至大口一里至碗子城五里明  
嘉靖二十二年秋巡撫河南御史秦中李宗樞建此界  
因流賊橫逆河南借地修城以控扼要衝

磨盤砦縣南六十里俗名孟良砦有小城如碗子  
將軍砦宋岳武穆從王彥渡河屢敗金兵時兩河豪傑山  
砦韋銓等揭旗皆以岳為號中原響應咸築砦以待飛

至

碗子城縣南九十里太行絕頂羣山迴匝道路嶮仄中建  
小城若鐵甕唐初築此以控懷澤之衝其城甚小故名  
宋太祖征李筠山多石不可行太祖於馬上先負數石  
羣臣六軍皆負之平為大道即此正統間寧山衛指揮  
胡剛鑿石平險車騎差可通

壺壁一名臺壁城南四十里慕容垂征慕容永入自天井  
關至於壺壁永率精兵五萬來距阻河曲以自固馳使  
請戰垂列陣於壺壁之南分為二翼伏千兵於深澗大

破永軍 按天井東五里有壺瓶街即壺壁之訛北有曲河即河曲也

小口在碗子城西由西梁別徑入山至星軺驛南十三里  
會大道隋大業二年帝幸榆林郡還至太原上太行山  
欲過御史大夫張衡宅乃開直道九十里達河內以抵  
其宅即小口也

劉家坪北口南為猴兒愁屬河南濟源界去縣八十里其  
地險峻偪仄僅通人行最為緊要隘口

柳樹隘即丹谷壘城東南八十里路通河內清化鎮明置

巡檢司 今廢 晉書地道記曰縣有太行關丹谿為關之

東谷途自此去不復由關矣 北魏永安三年詔行臺

源子恭鎮太行丹谷築壘以防余朱世隆 明崇正五年流賊紫金梁老猗猗等在河北修武為官兵追勦遂踰太行自柳樹口至陵川蔓延長治壺關等處

馬牢關關一作川縣東南八十里即馬牢川梁遣李讜攻澤州晉李存孝以騎兵五十擒梁驍將鄧季筠李讜敗走追擊至馬牢關還攻潞州

青蓮寺山寨城東三十五里金貞祐年間居民因險為柵廷議欲移州守此必蘭阿魯帶奏青蓮山寨距州既遠地形狹隘不如屯軍州城以據太行之險詔復以澤州

領昭義軍

武新關地形志陽阿有武新關

關隘辨

關以守要害也而蹊徑可入隘以防傍曲也而峯嶺可踰易曰王公設險以守其國重門控扼聖人不廢險之時義大矣哉鳳臺居萬山之中為全晉門戶其東北之白虎廢驛西北之武新舊關為腹裏之地皆坡陀平行固不足論矣若太行屬東南半壁外與豫鄰橫望隘天井關其最衝也西為小口隋煬帝所開

直道東為柳樹隘北魏時源子恭築壘丹谷以防余  
 朱世隆今則肩摩趾錯險道而成通衢小口距縣西  
 南九十里西為二臺山外為九里磳再西嶺東口外  
 為石門磳磳當作瀧山水所由地多猿猴豺狼人跡亦至  
 趨河內間道也再西由濟源東北三十里姚家村與  
 鳳臺西南五十里曲良掌聯界中隔大澗峭壁千丈  
 名猴兒溝轉為愁兒溝中分鳥道亦為風門口為元  
 家湖為西瓦河為仰天池為黃華山為萬乾山再西  
 則荆霜嶺為陽城界矣柳樹隘距縣東南六十里外

為石虎井為大澤底中間相距四十里猶鳳臺境也  
 距河南東北八十里與修武犬牙相錯懸崖斷澗石  
 棧盤雲微西為史君嶺嶺外為河南方山村再西為  
 南山壑壑外為河南山王莊走險關捷胥問道於此  
 至柳樹隘以東則疲驢嶺為陵川界矣此數隘口外  
 近西小口者更有土河村竈君塚窰兒嶺口近柳樹  
 隘者更有石秤河五里棧皆人跡僅通鹽梟出沒磳  
 匪竄伏之所更屬緊要所在由晉南指以是數地為  
 建旆之勢由豫北向以是數地為鎖鑰之關守土者



時加譏察於捷徑曲道或累石以斷其踪或分泚以嚴其守庶有合於古者設險之義而弭盜禁匪之法於是乎在是所望於司牧之君子

津梁

晉南第一橋城南關跨白水名大石橋所謂澤之三源經城西大石橋下嘉靖甲辰重修

景忠橋城東關元至正年建又名永濟橋明鍾錫記云東橋斲木懸虛層構而起任載愈重爲力益堅說者謂與西橋皆魯公輸所作宏治中撤而更新三十年間疎壞

特甚

國朝乾隆四十八年重修

景德橋城西關一名沁陽橋金大定己酉知州黃仲宣創建告成於明昌辛亥四百餘年屹立如故信非庸工所能成化壬辰大水塞川而下橋毀而遺石尙存

通懷橋在縣南小箕村

雙橋在縣北一十五里雙溝上

長橋在縣西周村鎮

常澗橋在城東三里

通濟橋在縣西北六陽鎮

雙李橋在縣東北巴公原南

七嶺橋在城東十里明成化六年知州陳登重建

五龍山橋在洞陽山東雍正十一年七月暴雷崩石裂出

清泉一道甘寒可已疾居民建橋於泉上又作亭於橋

上以憇游者邑人陳壯履有記

萬年橋在城東北三十五里高都鎮橋跨丹水

國朝乾隆四十八年鎮民馬集英門世儒馬際伯原通樞

募建

營汛

澤州營駐劄鳳臺縣城額設馬兵七名步兵七十二名守

兵一百七十名

舊額設征兵四名馬兵十名步兵五十六名守兵一百

五十九名後定為今數凡馬步戰守兵每名月支米三

倉斗馬戰兵每名月支餉銀二兩步戰兵一兩五錢守

兵一兩馬每匹春冬月支草六十束

每束折料豆九倉銀七釐

斗除澤州本色儘

夏秋月支銀九錢

駐本營都司簽書一員千總一員外委一員隨營額外

外委一員馬步守兵九十三名餘分防各縣

鳳臺縣東西北三路分汛設防六處本營千總一員分管

東北路十里曰七嶺店又十里曰王太舖又十五里曰

巴公鎮又十里曰官西舖每汛三名此地接高平西路

二十里曰二十里舖五十里曰周村鎮每汛三名此地接陽城縣之沁

渡汛二南路分汛設防七處本營把總一員分管駐劄

十里攔車鎮南十里曰茶元店三十里曰河底鎮四十五里

曰天井關各三六十里曰攔車鎮十五又二十里曰油

房頭偏西又二十里曰小口各三偏東又二十里曰橫

嶺五名此二汛南接豫省

雍正十二年奉撫咨私礦出境飭查州縣與隣省交界

添設汛兵鳳臺縣南路偏西建窩舖三處曰土河村曰

嶺東口曰窰兒嶺口俱與河南河撥橫望鎮巡檢弓兵

各三名協同鄉約地方把守南路偏東建窩舖二處曰

史君嶺曰石砭河俱與河南河內接界撥橫望鎮巡檢弓兵各三

名協同鄉約地方把守

驛舖

太行驛在城內西南隅自

望火臺 縣治東門三里舊無防兵有舖司

七嶺店 縣東十里 有營汛

王大舖 縣東二十里 有營汛

巴公鎮 縣東北三十里 有營汛

李村堡 縣東北四十里 有營汛

郃村東里 距李村堡五里三家店鎮 有舖司至界牌高平界

寨子嶺 縣西二十里 有營汛

周村鎮 縣西三十里陽城界

茶店鎮 縣南十里 有營汛

南河底 縣南三十里 有營汛

天井關 縣南四十五里 有營汛

攔車鎮 縣南六十里 有營汛

油房頭 縣南七十里 有營汛

大口村 即橫望鎮晉豫分界距油房頭二十里有營汛

小口村 大口西偏距攔車十里有營汛

總舖 在城舖兵六名

望火臺舖 城東三里

孫村口舖 城北十五里

驛舖

九

一新橋鋪 城北二  
十七里

李村鋪 城北四  
十里

界牌嶺鋪 城北五十里高平界  
以上鋪兵皆四名

高都鋪 城東三十五  
里鋪兵三名

黨莊鋪 城東四十五里接  
陵川界鋪兵三名

崗頭鋪 城西  
五里

西峯鋪 城西十  
五里

石窰鋪 城西二  
十五里

上町鋪 城西三  
十五里

河村鋪 城西四十五里陽城界  
以上鋪兵皆四名

孟家店鋪 城南  
五里

建聖鋪 城南十  
七里

神泉鋪 城南二  
十七里

甘泉鋪 城南三  
十里

風門鋪 城南四  
十七里

攔車鋪 城南五  
十七里

三尖鋪 城南六  
十七里

夾泉鋪 城南七  
十七里

驛鋪

三

碗子城

城南九十里接河南河內界以上鋪兵俱四名

里甲

縣分四鄉鄉分二十都舊管分爲一百七十一里後併爲一百五十一里在城日坊在關日廂

呂山鄉 六都共五十三里

十坊都福星坊

中和坊

安遠坊

懷仁坊

淳化

坊 鎮寧坊

武勝坊

寧國坊

進士坊

世泰坊

司徒都司徒里

石店併

石店里

七嶺里

前村併

前村里

王泰里

車渠併

車渠里

太平里

閻莊併

閻莊里

官莊都官莊里

巴公里

李村中里

官西莊里

李

西 李村西里

來村東里

來村西併

來村西里

雙泉里

東坡里

義城都義城里

板橋里

坡頭併

坡頭里

邵村東里

邵村西里

城公里

宋莊里

三家店里

中莊里

保福都保福里

水磨里

黨莊里

河西里

高都東里

高都中併

高都中里

薛莊里

桃園里

黃石都黃石里

任莊里

尹寨併

尹寨里

郝莊里

高都北里

崔莊里

魯村里

嶺西里

南城公里

移風鄉

五都共四十一里

九廂都白雲廂

黃華廂

明道廂

迎

廂

上原併

上原廂 遺愛廂 平川廂 受域廂 景德廂

感義都感義里 龍化里 建聖里 霍秀里

星軹里 花園里 石城里 呂莊里 石門里

豐安都豐安里 黃頭里 金村里趙莊併 趙莊里

長陰里柳泉併 柳泉里 柳樹里 府城里 山頭里

青蓮都青蓮里 山門里 賢子里冶頭併 冶頭里

舖頭里

建福都建福里 大澤里 劉莊里 吳莊里

伏堂里 水東里 東平里 奏莊里 下川里

五門鄉 四都共三十七里

還秀都還秀里 輓轆里 西峰里 邵莊里

五門里 秋泉里 周村里 川河里 吉村里

沁河里

孔莊都孔莊里 嶺東里 山底里 神泉里

浪井里 茶園里 道頭里 上莊里張家嶺併

張家嶺里坡底併 坡底里 崗頭里

永城都永城里 平土里 河村里 上町里

下町里 聖樂里

武城都武城里里土河里葛萬里一追山里

富家里梨川里甘泉里大箕里常村里

冶底里里

建興鄉五都共四十里

源泉都源泉里史村里方山里段都里

常店里南平里石佛里成莊里

甘伏都甘伏里西莊里錦溪里二仙里

掩村里

五福都五福東里五福西併五福西里四義東里四義北併

四義西里大陽南里都山里溝南里

永義都永義里沙溝里天戶里建興里南村併

南村里辛壁里七城里和村里馬村里

庾能里

大陽都大陽東里大陽西里大陽北里

大陽中里南莊里裴莊里上河里下村併

下村里寺河里

併過里分列後

司徒里七嶺併王泰里太平里併李村里  
石店里前村併車渠里閩莊併官西里



來村里 板橋里 高都里 任莊里 迎恩廂  
東西里 坡頭里 東中里 尹寨里 上原廂

金村里 長陰里 賢子里 堽麓里 五福里  
趙莊里 柳泉里 冶頭里 張家嶺里 東西里

甘伏里 四義里 建興里 上河里  
西莊里 東北里 南村里 下村里

田賦戶

原額熟地並開懇民田屯田更名田實在共地九千一

百七十頃二十二畝一釐八毫三絲內

民田共地九千七十七頃八十七畝一分六釐二毫三

絲

屯田共地九十三頃一十三畝八分八釐五毫

額外更名田九十一畝 孫本色租 穀不徵銀

本色糧三百七十二石四升五合七勺

本色租穀一十三石六斗五升

折色銀四萬五千九百九十三兩六錢八分一釐一毫

九絲九忽五微九纖九沙五塵七渺九埃二漠內

民田折色並加增絲絹馬草銀四萬五千九百五十六

兩六錢二分八釐八毫八絲九忽七微五纖九沙五塵

七渺九埃二漠

屯田折色銀三十七兩五分二釐二毫九忽八微四纖

一 實行差人五萬七千四百九十丁內

民丁六萬三千二百八十丁

屯丁一百六十丁乾隆元年詳定歸入地糧徵收

共徵均徭並辦買本色顏料加增銀一萬五千三百五

十九兩六錢六分五釐二毫一絲六忽二微一纖七沙

六塵三渺七埃五漠

又康熙五十五年六十年雍正四年九年審編其滋生

人二百三十二丁欽奉

恩詔永不加賦

其徵折色銀六萬六千九百六錢七分三釐四毫六

絲七忽九微九纖六沙七塵二渺五埃三漠

本色米豆三百八十七石四斗三升五合七勺按季彙

解

匠價銀一百七十兩五錢五分

酒課銀七十六兩八錢二釐

商稅銀二百四十八兩二錢二分一釐

原額並地丁匠價酒課商稅共銀六萬二千九百一十

四兩二錢六分三釐六毫一絲五忽八微一纖七沙二

塵一渺六埃七漠內

起運銀三萬九千七百四十二兩三錢二分三釐一毫

一絲九忽三纖八塵一渺六埃七漠

置買農桑紬絹並脚價銀二百五十一兩八分五釐二

毫六絲五忽三微六纖六沙四塵

原額商稅銀三百三十一兩二錢二分

商稅盈餘銀大約三百三十一兩八錢三分

畜稅銀三百三十六兩六錢三釐

畜稅盈餘銀五百一十五兩五錢七分八釐

當稅銀二百九十兩

牙稅銀大約一二百兩不等

稅契銀三十三兩八錢一釐

稅契盈餘銀二百八十六兩一錢一分九釐

存留本省額編兵餉銀一萬三千五百三十五兩二錢

二分五毫三絲一忽四微二纖

存留驛站銀五千二百一兩五錢二分二釐實支銀二

千七百七十兩五錢七分八釐一毫七絲六忽六微三

纖三沙四塵八渺四埃

存留本色粟米三百六十五石八斗三升五合七勺本色黑豆二十一石六斗

存留官俸役食雜支經費並復祭祀等項共銀三千九百三十五兩八錢九分一釐七毫

太行驛馬騾二十五匹頭馬夫一十一名歲支工料銀九百三十六兩

所夫三十五名歲支工食銀二百五十八兩五錢一分九釐九絲三忽五微六纖四塵二渺四埃

星韜驛馬騾二十匹頭馬夫一十五名歲支工料銀一

千一百四十二兩六錢四分

所夫一十五名歲支工食銀一百九兩四錢一分九釐八絲三忽七纖三渺六渺

官支銀二百二十四兩

存留派解司府會本縣官俸衙役工食襍支照裁定銀二千五百四十四兩九分八釐內

本府知府俸銀一百五兩

門子二名每名工食銀六兩共銀一十二兩

皂隸一十六名每名工食銀六兩共銀九十六兩

馬快手一十名每名工食銀六兩共銀六十兩

步快手一十六名每名工食銀六兩共銀九十六兩

轎夫四名每名工食銀六兩共銀二十四兩

傘扇夫三名每名工食銀六兩共銀一十八兩

風雲雷雨山川社稷八蜡等壇廟祭祀銀二十四兩

郡厲壇祭祀銀一十二兩

府學歲貢花紅銀一十二兩

本府經歷俸銀四十兩

門子一名工食銀六兩

皂隸四名每名工食銀六兩共銀二十四兩

馬夫一名工食銀六兩

本府儒學教授俸銀四十五兩

廩生四十名每名餼糧銀三兩二錢共銀一百二十八兩

門斗三名每名工食銀六兩共銀一十八兩

膳夫二名每名工食銀六兩六錢六分六釐五毫共銀

一十三兩三錢三分三釐

本縣知縣俸銀四十五兩

門子二名每名工食銀六兩共銀一十二兩

皂隸一十六名每名工食銀六兩共銀九十六兩

馬快手八名每名工食銀六兩共銀四十八兩

更夫五名每名工食銀六兩共銀三十兩

禁卒八名每名工食銀六兩共銀四十八兩

轎夫四名每名工食銀六兩共銀二十四兩

傘扇夫三名每名工食銀六兩共銀一十八兩

庫子四名每名工食銀六兩共銀二十四兩

斗級四名每名工食銀六兩共銀二十四兩

民壯四十名每名工食銀七兩二錢共銀二百八十八

兩

捕役八名每名工食銀六兩共銀四十八兩

本縣典史俸銀三十一兩五錢二分

門子一名工食銀六兩

皂隸四名每名工食銀六兩共銀二十四兩

馬夫一名工食銀六兩

本縣儒學教諭俸銀四十兩

訓導俸銀四十兩

廩生二十名每名餼糧銀三兩二錢共銀六十四兩

齋夫三名每名工食銀六兩共銀一十八兩

膳夫二名每名工食銀六兩六錢六分六釐五毫共銀

一十三兩三錢二分三釐

門斗二名每名工食銀六兩共銀一十八兩

星軺驛丞俸銀三十一兩五錢二分

皂隸二名每名工食銀六兩共銀一十二兩

弓兵十名每名工食銀六兩共銀六十兩

時憲書紙價銀四十三兩七錢六分

五龍神張忠烈公裴公祠祭祀銀一十八兩

文廟春秋祭祀銀四十兩

啟聖名宦鄉賢二祠祭祀銀一十一兩一錢八分

雩禮壇祭品銀三兩

關帝三代祭品銀二十兩八錢三分

鄉飲酒禮銀一十五兩

孤老冬衣布花銀五兩六錢六分四釐

鋪司兵七十七名各支工食不等共銀四百二十六兩

六錢

迎春神牛酒席銀一兩一錢二分五釐

初一十五行香講書等銀八兩四錢

一三年一辦

舉人坊牌銀一百六十五兩每年銀五十五兩

膳錄書手工食銀三十七兩五錢每年銀一十二兩五

錢

餞送舊舉人會試以八名為率盤費酒席等銀一百三

十二兩每年銀四十四兩

新中舉人以三名為率旗匾賀儀 送會試等銀二十

二兩五錢每年銀七兩五錢

新中進士以一名為率旗匾賀儀等銀二十兩每年銀

三兩二錢三分三釐

武舉會試盤費銀四十兩五錢每年銀一十二兩五錢

三年一辦

起送赴考貢生酒席盤費及考中正貢旗匾花紅銀一

十二兩每年銀六兩

鹽法

額銷鹽引一萬二千六百四十五道餘引一千四百二



道代銷引一千二百七十九道皆本商赴運城納課  
治自運城二百六十里至翼城轉脚二百二十里

土貢

額解平鐵二千一百斤添解鐵三千六十八斤

額解錫二百八十四斤一十二兩六錢四釐五毫六絲

二忽五微雍正十一年停解改辦好鐵五百六十九斤

七兩二錢九釐一毫二絲五忽

額解呈文紙一千一百七十張添解紙二千三百四十

張

府屬織造絹二百四十疋每疋絹用絲一斤額辦絲一

百三十四斤四兩四錢四分每筋銀五錢九分該價銀七十九

兩二錢二分三釐七毫二絲五忽

閏月加絲四斤五錢六分該銀二兩三錢八分六毫五

絲

物產

穀有麥穀黍古以上黨黍可定鐘律試與凡黍無異稷藟秫之屬

蔬有葱萊菘蒿蒿菘蓮蕨豆角木耳蘑菇之屬

果有柿榛栗胡桃葡萄羊棗之屬

木有松栢白松桑栢之屬

花有牡丹府城玉皇廟株大可拱把芍藥凌霄山丹之屬

藥有禹餘糧白石英紫石英出晉普山何首烏款冬花之屬

毛有獾獐狐兔鼯鼯之屬

羽有鷹雕雉鶴鷄石雞一名英雞常取碎石英食之半翅一名痴雞之屬

蟲有蠶蜂蟋蟀之屬

貨有絲麻紬帕針鐵蜜黑礬桑皮紙石炭之屬

其餘各縣所同者不具載

風俗

本唐堯所居其民陶洗王遺教君子深思小人儉陋故

唐詩蟋蟀葛屨皆思奢儉之中漢地里志

民重農桑性多朴直前代以來多文雅之士隋志

忠義素稱唐志

人重農桑性尤樸直隋史

澤州學者如牛毛野處宋黃夷仲齋記

人性質而好學其氣豪勁元志

澤跨河朔隸冀南為鉅郡其民儉質而力耕有堯舜遺

風士亦劬於文學無外慕鶴翥鴻漸後先接武張鵬學記

耕夫販婦亦恥譏詬而道文理與齊魯共為禮義之俗

而加厚 郝經志錄

上黨故趙之分其俗悲歌慷慨而尚氣節 孔天印通志序

民性既敦龐而又有先聖之流風遺澤故習俗異於他

節

近太行之麓水土深厚性質樸氣豪勁多文嫻禮衣冠

為諸郡先 祝志

登太行其民勤直忠儉 御史熊廻志序

人習機杼俗尚儉樸 羣書備考

力勤耕種 郡志

風尚少浮不失原本 郡志

澤州力本好義敦樸多藏號稱饒富性質豪岸少委曲

重儒術 史官傅維鱗明書

民皆力耕昏作減縮衣食士亦却掃誦習不驚聲利有

古隱君子之風得宋程明道遺教 陳廷敬午亭文編

歲時

元旦長幼夙興焚桑名曰正火設牲醴秬秠祀神祭先  
拜尊長戚里相福飲食讌會數日始定

立春茹蘿蔔麵餠名曰咬春

八日夜初分各燃燈熟黍米祀斗祈福

上元設脯糈果醴懸燈於門外列爐焰名曰人火有範  
土像人物者中空吐焰光彩騰灼鼓吹喧闐士女踏燈  
嬉游丙夜卽曲坊隘巷亦暖如春融溶鐵汁高灑散星  
點成虹迸落空中火樹銀花炫照都市自十四日起曰  
試燈至十六日止

十六日鄉城男女擁趨厲壇以艾炙柏樹祈祛疾今易  
爲先農壇貨農器成市

上元前後三日中於城外曠地結草爲圍方十餘里  
曲折通行路是夕持燈遊行謂之走百病

清明前數日携楮帛酒棧拜掃墳墓踏青遊賞都於是  
時是日婦女以摘金勝子貼髻名柳葉符郡守朱鹿田  
詩擺街女踏秋千鐙上塚人簪楊柳符謂此

春前鄉鎮悉於小析山湯王館前池中取水合鄉旗導  
瓶貯捧歸舊取水仍傾池名曰換水祈一年嘉潤也

端午泛蒲觴喫雄黃酒背繫續命縷角黍交餽亦有延  
客解纓者男女問名過潘家製蒲艾花朶及糉餌爲餉

遺

六月六日家家祀山神相傳神即射日之羿以開門即

山祀以辟虎狼

七夕女子設瓜果於庭祭天孫織女乞巧

中元祭掃如清明節俱以麻穀掛墓前卷紙如帛焚之

中秋戚友以果餅相餽贈月下會飲醞瓜陳果

重陽飲菊酒挿茱萸登高野讌

十月一日楮帛象金其衣羹飯祀祖曰送寒衣

冬至日同

十二月五日和煮糴黍果豆為粥曰五豆粥八日煮

曰臘八

二十四日掃舍宇暮設果精飴糖祀竈有用二十三日

除夕更桃符易門神互相餽歲設庭燎焚蒼木士夫間

行小集守歲爆竹辟邪是日婚娶不擇吉謂之亂歲日

禮俗

婚禮問名納采請期民間通用惟納吉納徵親迎則士

夫行之舊志載行禮每較厚薄至親迎又擇年貌相若

者飾之僭行名曰陪壻甚俚誕近已革除矣

喪禮俗尚侈靡又多混陰陽之說淹柩不葬自含殮以  
至下窆品物芻靈窮極華炫民間初喪鼓吹延六七日  
不絕聲積習難反陶知州自悅依紳庶名分次第酌定  
喪儀限期墓埋俗尚火減

祭禮士大夫家設木主立祠堂墓祭各有其時惟吉祭  
亦必於墓

朝賀耕藉及神典迎春鄉飲具載會典且鄉飲時有舉  
廢未可爲常也



